

## **Meeqqanut Atuarfeqarnermullu Ingerlatsivimmi (MA) aaqqissuussaaniemik allanngueq**

Ilisimatitsissut

J.nr.:02.01.01

Meeqqanut Atuarfeqarnermullu Ingerlatsivik - Pisortaq Helene B. Berthelsen / HEBE

### **Suliassamik eqikkaaneq**

Meeqqanut Atuarfeqarnermullu Ingerlatsivimmi 01. decembari 2019 aallarnerfigalugu aaqqissuussaaniemik allanngueq pillugu ilisimatitsissut.

Suliaq ulloq 05. novembari 2019-imi Meeqqanut Atuarfeqarnermullu Ataatsimiititap ataatsimiinnerani oqaluuserineqarpoq, tassanilu Ataatsimiititap inassuteqaat akuersissutigivaa ima allannguutitalerlugu: "*suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ingerlateqqinneqassasoq*" taavalu suliaq ilisimatitsissutit Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap novembarip 13-anni 2019-imi ataatsimiinnerani oqaluuserineqarpoq ataatsimiititamilu akuerineqarluni, suliarlu ilisimatitsissutit Kommunalbestyrelsimut ingerlateqqinneqarpoq.

### **Inassuteqaatit**

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

### **Suliassamik saqqummiussineq**

Meeqqanut Atuarfeqarnermullu Ingerlatsivimmi 01. decembari 2019 aallarnerfigalugu aaqqissuussaaniemik allannguisaaq.

Ingerlatsivimmi maannakktu aaqqissuussaaneq sisamanik ukuningga immikkoortortaqqarpoq:

- Meeqqanut Inuusuttunullu Siunnersuisarfik (Misi)
- Peqqinnermut Susasaqartitsinermullu immikkoortortaqqarfik
- Atuarfinnut Ulluuneranilu neqeroorutinut immikkoortortaqqarfik
- Allaffeqarfik Aningaasaqarnermullu immikkoortortaqqarfik

Ingerlatsivimmi aqutsisut kissaatiginikuuat, Atuarfinnut Ulluuneranilu neqeroorutinut immikkoortortaqqarfik avinneqassasoq immikkoortunut marlungorlugu, pissutigalugu 2015-imi immikkoortut taakku marluk ataatsimoortinneqarnerinut siunertaq tamakkiisumik atuutilersinneqarnikuunngimmat, atuutilersinneqarnissaallu ajornakusoorat, akisussaaffeqarfiit marluusut amerlasuunik aningaasartaqqarlunilu sulisoqartariaqarmat, aqutsisup ataatsip kisimiilluni ingerlassinnaanngisaanik.

Kisianni erseqqissaatigissallugu pingaaruteqarpoq, ataatsimoortitsinerup akimut suleqatigiittoqalernera pitsaaqutigimmagu, aammalu 0-niit 18-inut ukiullit sullinneranni malinnaalluarsinnaaneq ingerlatsivimmi sungiulluarneqarsimammat. Pitsaasumik sunniuteqarnera ingerlatsiviup nangittumik ingerlateqqissavaa, naak immikkoortortaqqarfiit marlungorlugit avinneqaraluarpataluunniit.

Ulloq 01 decembari 2019 aallernerfigalugu aaqqissuussaannermi iluseq imatut isikkoqalissaaq:

- Meeqqanut Inuusuttunullu Siunnersuisarfik (Misi)
- Peqqinnermut Susassaqtitsinermullu immikkoortortaarfik
- Atuarfeqarnermut immikkoortorta
- Ulluunerani neqeroorutinut immikkoortorta
- Stabi

#### *Aaqqiissutissatut siunnersuut – suliatigut naliliineq*

2017-imi aaqqissuussaannik allanngortitsinerup kingornagut, Stabi allatut taaguuteqalerpoq Allaffissornermut Aningaasaqarnermullu immikkoortorta, tamanna allanngortillugu Stab atorusunneqarpoq, sulisut suliarisartagaannut taanna naleqqunnerummat.

#### *Aningaasatigut sulisoqarnikkullu naliliinerit*

Fagchefit ataatsimik ilanissaannut immikkut ittumik aningaasaliiffigineqarnissamik qinnuteqaateqartoqarnikuuvoq akuersissuteqartumik.

#### *Inatsisitigut tunngavissaq allakkallu tunngaviusumik uppersaatitallit*

Kommuneqarfik Sermersuumi Aqutsinermi lleqqoreqqusat

#### *Ingerlariaqqinnissaq / Isumaqaatigiissutit*

Fagchefinngortussat 01. decembari 2019 aallernerfigalugu atorfinissapput.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmiit oqaaseqaatinik pissarsiniartoqarnikuunngilaq

#### **Innuttaasunik peqataatitsineq/attaveqaatigiinneq**

Soqassanngilaq

#### **Ingerlatsivinniit allaniit oqaaseqaatigineqartut**

Soqassanngilaq

#### **Siornatigut aalajangerneq**

*Meeqqanut Atuarfeqarnermullu Ataatsimiititap aalajangernera 05. novembari 2019-meersoq:*

Suliaq ulloq 05. novembari 2019-imi Meeqqanut Atuarfeqarnermullu Ataatsimiititap ataatsimiinnerani oqaluuserineqarpoq, tassanilu Ataatsimiititap inassuteqaat akuersissutigivaa ima allannguutitalerlugu: "suliaq Aningaasaqarnermut Inuusutissarsiornermullu Ataatsimiititaput kiisalu Kommunalbestyrelsimut ingerlateqqinneqassasoq"

*Aningaasaqarnermut Inuusutissarsiornermullu Ataatsimiititap ulloq 13 novembari 2019:*

Inassuteqaat akuerineqarpoq

#### **Ilanngussaq**

1. Maannakkut aaqqissuussaaneq
2. Nutaamik aaqqissuussaaneq